

Youq ndaw ban gyoengq doengzhag cungj rox gou caeuq Siujmingz dwg baengzyoux ndei. Siujmingz boux vunz youh hung youh sang, aennaj gig ndeiyawj, baenz ngoenz cungj dwg riunyumj, caeuq de youq itheij, cungj mbouj miz gijmaz saeh simfanz.

Song boux dou baenz baengzyoux ndei, dwg daj gienh saeh he yinxhwnj. Haenx dwg bi gonq seizhah, miz ngoenz ndeu, gou youq ndaw gyausiz fwnqz gaem fag mid iq he, luenh vad bae vad dauq hawj doengzhag yawj, cingq youq seizhaenx, Siujmingz daj henz ndang gou byaij gvaq, mid iq bungq deng fwnqz de lo, gij lwed sikhaek lae okdaeuq. Gou simvueng lo, sikhaek rag de bae hawj canghyw yawj. Doeklaeng banhcujiyin hix ganj daengz yihiyen, lauxsae itmienh cam Siujmingz in mbouj in, itmienh ngeng gyauej daeuq bihbingz gou. Youq seizhaenx, Siujmingz mbouj goq fwnqz in, doiq lauxsae gangj: "Mbouj youq-

Baengzyoux Ndei Gou

我的好朋友

贵港市覃塘区蒙公乡廖瑞小学四(2)班 韦俊锋

gaenj, de mbouj dwg daegdaengq vad deng gou ne." Gou laihnaeuz fwnqz Siujmingz deng sieng, de itdingh gvaig gou lo, siengj mbouj daengz youq baihnaj lauxsae de gingqyienz bang gou gangj vahndei, gou ndawsim gig mboujgvaqeiq. Ngoenz daihngeih gou daiq geij bonj saw bae ranz Siujmingz, de ngeng ndang naengh youq henz congz, naj riunyumj caeuq gou gangj vah, di ndeu hix mbouj gvaig gou. Daj seizhaenx hwnj, gou caeuq Siujmingz couh baenz baengzyoux ndei lo.

Siujmingz gig coengmingz, hagsib hix gig nyinhcaen, youh gig haengj

doengh uk, youq ndaw ban cingzciik itcig gig ndei. De lij dwg ban ganbu. Siujmingz gig maij bang vunz, miz baez ndeu, gou caeuq Siujmingz bae sanghcanz cawx doxgaiq, youq bakdou yawjraen miz boux lwnyez he cingq singhung daej, dou byaij gvaqbae cam de vihmaz daej, lwnyez raen dou dwg vunzseng, daej ndaej engq singhung lo. Youq seizhaenx, Siujmingz couh siengj banhfat daeuq daeuq lwnyez, hawj boux lwnyez mbouj daej lo. Doeklaeng gou caeuq Siujmingz bang boux lwnyez ra raen daxmeh de lo.



Baengzyoux ndei gou Siujmingz dwg boux vunz swnhsienh simndei ndeu, ngoenz he yawj mbouj raen de, gou couh siengniemh de.

Hagdangz Dou

我们的校园

贵港市覃塘区蒙公乡凌寺小学四年级(1)班 覃奕

Hagdangz dou gig gyaunde, mbouj saenq mwngz yawjyawj.

Byaij haeuj bakdou hagdangz, couh yawjraen song mbiengj bakdou hung ndaem miz haujlai va. Gij va haenx miz hoengz miz henj miz aeuj, geijlai ndeiyawj ya!

Byaij haeuj ndaw hagdangz, mbiengj baihsae couhdwg vwnzva cangzlangz hagdangz. Mwngz yawj gwnz ciengz veh miz fukveh caeuq sij miz vahgawq, gijneix cungj dwg son dou baenzlawz guh boux lwnyez gvaig ndeu, lwnh dou aeu nyinhcaen hagsib, daengzcog guh boux vunz miz yungh ndeu.

Cungqgyang hagdangz dwg gyaulyoz-louz. Gyaulyozlouz sangngaungau, yawj hwnjbae gig gyaunde, daengz hwnjdangz seizgan, ndaw gyausiz gyoengq doengzhag sing doegsaw goksasa.

Caiq yiengq baihoeng byaij bae couh-dwg gyausiz yozcenzbanh lo, ndaw haenx miz haujlai doxgaiq guhcaemz, gyoengq nuengx iq baez daengz goq hozdung couh youq gizneix guhcaemz.

Neix couhdwg aen hagdangz dou, dwg giz dieg gyaunde hawj dou angqyangz hagsib ndeu.

(指导老师:陆冬群)



Daj iq daengz hung, gij gyaiez daxmeh hawj gou haenx gig lai gig lai, lumj gij ndaundeig gwnzmbwn geq hix geq mbouj liux.

Geiq ndaej miz haemh ndeu, gou mbouj ndeiyauq, couh bae ninz lo, daengz cib diemj cung, daxmeh guh hong sat le daeuq yawj gou, fatyienh gou nohndat lo, ndawsim gig gip, seizhaenx, cingq dwg seizdoeng, gij rumz youq rog ranz huhu ci dwk, lumj duzuguk rongx nei dwglau. Hoeng daxmeh mbouj goq baenz lai, aemq gou couh buet bae veiswnghsiz ndaw

Gij Gyaiez Daxmeh

母亲的爱

贵港市覃塘区蒙公乡古山小学三年级 庾鑫

mbanj ra canghyw. Daengz veiswnghsiz, yienznaeuz seizhaenx mbwn gig nit, hoeng gou yawjraen gwnz najbyak daxmeh cungj miz hanh lo. Seizhaenx, gou gamjdaengz gij gyaiez daxmeh gig raeujrub, roxnyinh bingh gou ndei haujlai lo.

Gou dwg daxmeh boux dog daiq hung, aenvih daxboh gou youq ndaw budui guhhong, binaengz cij ndaej ma baez ndeu, caemhcai q seizgan mbouj nanz, baedauq cijmiz ndwen ndeu, daxboh gaenbonj bang mbouj ndaej daxmeh saek di.

Gij gyaiez daxmeh dwg gij bauj fouzgyaq, dwg aeu gijmaz doenghyienh cungj vuenh

mbouj ndaej, gij gyaiez daxmeh lumj doiq fwnqz yawj mbouj raen, lumh mbouj daengz nei, raeujrub dwk lumh aenndang gou. Gij gyaiez daxmeh lumj aenliengj, mboujlwnh bongjrumz roxnaeuz doekfwn, cungj bang gou dangj dwk, hawj gou engq ndei byaij baenaj.

Daxmeh, gou docih mwngz, docih mwngz gvansim gou, docih mwngz ndiepgyaiez gou, hawj gou ndeindei hagsib, angqyangz majhung. Daxmeh, gou itdingh mbouj hawj mwngz saetmuengh, itdingh aeu hawj mwngz vih miz gou daeglwg neix gamjdaengz miznaj.

(指导老师:韦凤玲)

Doekfwn

下雨

贵港市覃塘区蒙公乡凌寺小学三(1)班 卢嘉

Ngoenzneix dwg ngoenz singhgiz, daxboh daxmeh cungj bae gyaban lo, gou boux dog youq ranz, cungj mbouj rox guh gijmaz ndei. Gou fwt siengj hwnj gij cozyez lauxsae buci haenx gou lij caengz sij, gou couh naengh youq baihnaj conghcueng sij cozyez. Sawqmwh, gwnzmbwn fwj ndaem mbwn fuemx, bongj hwnj rumzhaen, yaek doekfwn lo, gou vaiq gven ndei conghcueng.

Yaep he, sa sa sa, fwn doek lo, doek youq gwnz bohliz conghcueng yiengjdaekdaek.

Fwn yied doek yied hung, gou daj bohliz yawj coh baihrog, gyanmbwn lumj venj miz gaiq yiemzcaw gvangqlangh, baenz benq mokmbwtmbwt. Fwn doek youq gwnz vax dingjranz doiq-mienh, sinz hwnj baenz duj baenz duj varaemx, caengz mok he goemq youq gwnz dingjranz. Raemxfwn swnh yiemhranz lae roengzdaeuq, gwnz dieg raemx yied daeuq yied lai, gyoebbaenz baenz diuz baenz diuz rij iq.

Caen dwg ciengz fwn gibseiz ndeu ha! Go haexyangz ndaw reih itdingh dwg ndaej gwn

donq imq lo. Gou lumj yawjraen raemxfwn lae haeuj ndaw reih, lae haeuj ndaw suenmak, lae haeuj ndawsim gyoengqvunz bae.

Fwjndaem sanq lo, fwn dingz lo, daengngoenz ciuq rongh daihdeih. Gou hai doucueng, raq heiq liengzsis he ci haeuj naj daeuq, hoengheiq lumj swiq gvaq nei, gig singisien. Go haexyangz, go faexliux rog cueng deng fwn rwed gvaq le, bienq ndaej engq heuloeg, ndeiyawj raixcaix.

(指导老师:韦丽平)